

張仲景傷寒論合註卷七

海門吳隱亭考槃編輯

辨太陽病脈證併治法九

太陽病二日反躁反熨其背而大汗出火熱入胃胃中水竭躁煩必發讖語十餘日振慄自下利者此為欲解也故其汗從腰已下不得汗欲小便不得反嘔欲失溲足下惡風大便硬小便當數而反不數及多大便已頭卓然而痛其人足心必熱穀道下流故也熨音尉讖譎同火熱之火字字中

本作大字穀氣之穀字李繼文本作火字唐容川曰此節文理繁奧或有錯簡或章句不應相連又似當分作兩節解義難通費當闕疑以待考

成無己曰太陽病二日則邪在表不當發躁而反躁者熱氣行於裡也反熨其背而發汗大

汗出則胃中乾躁火熱入胃胃中燥熱躁煩而譫語至十餘日振慄自下利者火邪勢微陰

氣復生津液得復也故為欲解火邪去大汗出則愈若從腰以下不得汗則津液不得下通

故欲小便不得熱氣上逆而反嘔也欲失溲足下惡風者氣不得通於下而虛也津液偏滲

今大便鞭者小便當數經曰小便數者大便必鞭也此以火熱內躁津液不得下通故小便

不數及不多也若火熱消津液和則結鞭之便得潤因自大便也便已頭卓然而痛者先大

便鞭則陽氣不得下通既得大便則陽氣降下頭中陽虛故卓然而痛穀氣者陽氣也先陽

陽氣不通於下之時足下惡風今陽氣得下故足心熱也

方中行曰二日當傳之時也反躁欲傳也熨其背亦火劫汗法也大汗出者諺道以治故出

漢張仲景先師傷寒論原文卷七

後學吳考槃編次

三太陽病二日反躁反熨其背而大汗出火熱入胃胃中水竭躁煩必發譫語十餘日振慄自下利者此為欲解也故其汗從腰以下不得汗欲小便不得反嘔欲失溲足下惡風大便鞭小便當數而反不數及多大便已頭卓然而痛其人足心必熱穀氣下流故也

四太陽病中風以火劫發汗邪風被火熱血氣流溢失其常度兩陽相熏灼其身發黃陽盛則欲衄陰虛則小便難陰陽俱虛竭身體則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸牀小便利者其人可治

五傷寒脈浮醫以火迫劫之亡陽必驚狂起卧不安者桂枝去芍藥加蜀漆龍骨牡蠣救逆湯

四六 主之

一六形作傷寒其脈不弦緊而弱弱者必渴被火者必譫語弱者發熱脈浮解之當汗出愈

一七太陽病以火熏之不得汗其人必躁到經不解必圓血名為火邪

一八脈浮熱甚反灸之此為實實以虛治因火而動必咽躁唾血

一九微數之脈慎不可灸因火為邪則為煩逆追虛逐實血散脈中火氣雖微內攻有力焦骨傷筋血難復也

二十脈浮宜以汗解用火灸之邪無從出因火而盛病從腰以下必重而痺名火逆也欲自解者必當先煩乃有汗而解何以知之脈浮故知汗出解也

三燒鍼令其汗鍼處被寒核起而赤者必發奔豚氣從少腹上衝心者灸其核上各一壯與桂枝加桂湯四七

三火逆下之因燒鍼煩燥者桂枝甘草龍骨牡蠣湯四八主之

三太陽傷寒者加溫鍼必驚也

三太陽病當惡寒發熱今自汗出不惡寒發熱關上脈細數者以醫吐之過也一二日吐之者腹中饑口不能食三四日吐之者不喜糜粥欲食冷食朝食暮吐以醫吐之所致也此為小逆

三太陽病吐之但太陽病當惡寒今反不惡寒不欲近衣者此為吐之內煩也

三病人脈數數為熱當消穀引食而反吐者此以發汗令陽氣微膈氣虛脈乃數也數為客熱不能消穀以胃中虛冷故吐也

三太陽病過經十餘日心下溫溫欲吐而胸中痛大便反澹腹微滿鬱鬱微煩先此時自極吐下者可與調胃承氣湯若不爾者不可與但欲嘔胸中痛微澹者此非柴胡證以嘔故知極吐下也



南京中医药大学图书馆

張仲景傷寒論合註卷七

海門吳隱亭考槃編輯

辨太陽病脈證併治法九

太陽病二日反躁反熨其背而大汗出火熱入胃胃中水竭躁煩必發讖語十餘日振慄自下利者此為欲解也故其汗從腰已下不得汗欲小便不得反嘔欲失溲足下惡風大便硬小便當數而反不數及多大便已頭卓然而痛其人足心必熱穀道下流故也熨音尉讖譎同火熱之火字字中行

本作大字穀氣之穀字李繼文本作火字唐容川曰此節文理繁奧或有錯簡或章句不應相連又似當分作兩節解義難通費當闕疑以待考

成無己曰太陽病二日則邪在表不當發躁而反躁者熱氣行於裡也反熨其背而發汗大

汗出則胃中乾躁火熱入胃胃中燥熱躁煩而譫語至十餘日振慄自下利者火邪勢微陰

氣復生津液得復也故為欲解火邪去大汗出則愈若從腰以下不得汗則津液不得下通

故欲小便不得熱氣上逆而反嘔也欲失溲足下惡風者氣不得通於下而虛也津液偏滲

今大便鞭者小便當數經曰小便數者大便必鞭也此以火熱內躁津液不得下通故小便

不數及不多也若火熱消津液和則結鞭之便得潤因自大便也便已頭卓然而痛者先大

便鞭則陽氣不得下通既得大便則陽氣降下頭中陽虛故卓然而痛穀氣者陽氣也先陽

陽氣不通於下之時足下惡風今陽氣得下故足心熱也

方中行曰二日當傳之時也反躁欲傳也熨其背亦火劫汗法也大汗出者諺道以治故出

百大合註傷寒論卷七上海千頃堂書局





驟也大熱邪熱與火熱相搏也。入胃胃屬土故火邪先之也。水竭火盛則水涸也。躁煩譫語皆內熱也。十餘日過經同也。振鼓戰慄悚縮作欲解之先兆也。下利陰虛而津液偏於下走也。欲解待解未解之詞故其汗從腰以下不得汗至大便鞭一節乃承上文說猶未解之意。言振慄若是作汗則熱散而病解。今自利津液又偏於下泄胃中又不足所以待解不解汗不到下體乾而不得小便陽氣不下通反上逆而嘔失猶言不也。溲小便也。足下惡風無陽以為衛護也。大便鞭無津液以為潤送也。小便當數而反不數至未是反上文又說要解的意蓋言以人之津液偏滲而論之大便既鞭則小便當多而頻數故以不數為反既反不數則津液又當回於胃中可知也。及言待及津液由此而回足則大便得潤而當出出多者以待則久久故多也。卓特也。頭特然而痛陰氣上達也。足心必熱陽氣下通也。穀氣食氣也。言待解未解以來為津液又不足陽不下陰不上是以猶不解。今陰上達而頭獨覺痛陽下行而足心則熱者以胃中津液回足大便潤而得出食氣已下行也。病雖不言解而解之意已隱然現於不言之表矣。讀者當自悟可也。

喻嘉言曰此段文意隱奧從來註釋不得其解謹明之以暢尚論之懷。蓋火邪入胃中十餘日不解忽振慄自下利者火邪從大腸下奔其候本為欲解然而不解者以從腰已下不得汗邪雖下走終不外走故不解也。下條從頸已下不得汗其勢重此從腰已下不得汗其勢較輕足下惡風見陽邪但在下也。小便不得見陽邪閉拒陰竅也。與不得汗正同。所以大便

亦鞭蓋見前之下利為火勢急奔火勢衰減則前奔也反嘔者邪欲從上越也欲失溲者邪欲從前陰出也皆餘邪欲散之徵也胃火既滅小便當數復不數則津液可回及至津液既涸則久積之大便必出盡矣大便出多則小便之當數者始數矣腸胃之間邪熱既散而不留則腰已下之得汗並可知矣得汗則陰分之陽邪盡從外解然後身半以下之陰氣得上而反頭痛身半以上之陽氣得下而反足心熱欲愈之狀尚類病狀火邪助虐為何如哉按以連下大便已讀者非

張隱庵曰自此以下凡十一節皆論火攻之誤蓋火為陽水為陰太陽為諸陽主氣而上合君火之神不可妄用火攻者也高子曰此節分二段看太陽病至此為欲解也一段言陽明得少陰之氣而自解下段言少陰得陽明之氣相濟而釋所不解之義太陽病二日者病在陽明也反躁者病在陽而反見少陰之氣化也夫病在於陽證見於陰宜交濟其陰陽而調和其上下今反熨其背而使大汗出津液外泄火熱入胃則胃中水竭陰陽上下愈不相濟而躁煩矣火傷神氣必發譫語至十餘日當少陰主氣之期振慄自下利者陽明之躁熱得少陰陰津以和之陰陽上下自相交合為欲解也此言陽亢於上得少陰之陰氣而自解也夫未解之時火熨其背而大汗出故其汗從腰以下不得汗氣不下化故欲小便不得反上逆而嘔陰氣不升故欲失溲而足下惡風胃中水竭故大便鞭夫大便鞭則小便當數而反不數及多及多者不多也夫小便少則津液當遂入胃中不久必大便夫所謂振慄自

名家合言... 卷一  
下利者乃大便已頭卓然而痛之謂也。蓋陽明之氣在上，足心乃少陰腎藏之湧泉，其人足心必熱，以陽明穀神之氣下流而交於陰故也。此言少陰得陽明之氣兩相交濟而擇所解之意也。上下用二故字，義可知矣。

程郊倩曰：太陽病二日，邪方在表，不當發躁而反躁者，熱氣行於裏為病溫之類也。反熨其背以取汗，助陽奪陰，陰液外亡，遂大汗出，邪未外解而火熱已入胃矣。汗既外越，火復內攻，胃汁奪盡，是為胃中水竭。水竭則必躁煩，躁煩則必譫語。皆火熱入胃，火無水制之故也。汗餘日則正氣漸復，忽焉振慄者，邪正爭也。自下利者正勝而邪不能容，火勢從大腸下奪也。火邪勢微，津液得復，此為欲解之象，然而不盡解者則有故，以從前所熨之汗從背得之，而腰以下不得汗。今邪雖下走，徒以鄰國為寇，躁煩譫語之證雖解，而腰以下之證轉增，故小便不得者，陽邪閉拒陰竅，津液不得下通也。反嘔者，濁氣從下攻上也。欲失洩者，熱氣下流，邪欲從前陰出而不得出也。足下惡風者，腰以下不得汗，風邪鬱於下部也。大便鞭，小便當數而反不數者，以前之下利為火勢急奔，火勢衰微而風邪閉於下焦，津液不得下通，非偏滲於小腸者比也。以上諸證，莫非陽強發厥盡虛其下之象，推求其原，一皆火熱入胃，胃中水竭。至於如此反熨其背，大汗出之害，可勝言哉。此時欲治風而風已上解，欲治火而火無出路，何從治之。唯通大便一法，可以搜風導滯，徹邪走過潤之導之一不已而再，再不已而三，及多大便已，然後下，隨之陽邪復上升而散，頭卓然而痛，久鬱之陽氣得下徹而通，其人

足心必熱以邪氣隨穀氣而出無復壅遏故曰穀氣下流故也從來未經指出必欲待小便自利大便自多豈有邪火熾盛之時而能使小便自利大便自多也哉

柯韻伯曰太陽病經二日不汗出而躁煩此大青龍證也不知發汗而兼以清火而反以火熨其背背者太陽之部也太陽被火迫因轉屬陽明胃者陽明之府水穀之海也大邪入胃胃中水竭屎必燥硬煩躁不止譫語所由發也非調胃承氣下之胃氣絕矣十餘日可接大汗出來蓋其人雖大汗出而火熱未入胃中胃中無恙譫語不發煩躁已除至二候之後火氣已衰陽氣微故振慄而解陰氣復故自利而解此陰陽自和而自愈者也故其汗至未是倒叙法釋未利未解前證適其因而究其由也言所以能自下利者何以故因其自汗出時從腰以下不得汗夫腰以下為地地為陰是火邪未陷入於陰位也二腸膀胱之津俱未傷也欲小便不得而反嘔欲失溲此非無小便也其津液在上焦欲還入胃中故也凡大便秘者小便當數而不多今小便反不數而反多此應前欲小便不得句正以明津液自遂入胃中而下利之意也利是通利非瀉利之謂觀大便已可知矣頭為諸陽之會卓然而痛者陰氣復則陽氣虛也足心必熱反應足下惡風句前大汗出則風已去故身不惡風汗出不至足故足下惡風也今火氣下流故足心熱火氣下流則穀氣因之下流故大便自己利也大便已頭疼可與小便已陰痛者參之欲小便不得反失溲小便當數反不數反多與後條小便難小便俱是審其陰氣之虛不虛津液之竭不竭耳

周禹載曰太陽病二日反躁知陽邪重極不然何二日遽躁也兩句字約意該醫者不知表散反熨其背背為太陽部位火以濟火能不令如水流漓乎胃雖水穀之海既鬱熱邪復遭火邪遂致劫盡精液煩躁有加謔語無已使爾時明眼見此急以苦寒下之救其津液便如鎔湯燼炭沃以冰雪酷炎炎歛飲以甘露豈不渙然盡解何至有以下種種危候耶乃遽延至十餘日火勢積久急奔大腸遂下利而振慄火熱之狀反若外寒之狀乃云此為欲解善讀聖人書者便可於此特出手眼寒下無疑矣惟不經寒下則下利為自利也火雖下走餘熱尚多故向來火邪鬱悶胃中者今得稍行而得發洩所以透出微汗但火勢炎上從腰已下不得也既利且汗邪減而正亦虧又何能得小便乎故欲字反字最精見前此邪盛之時且不作小便想邪實於內并不作嘔想至欲失洩三字形容小便不得尤妙使津液無虧膀胱化行何至嘔而欲失洩耶足下惡風正氣餒也因邪退而知風也大便鞅小便當數而反不數者言邪退有津回之理而津液有難復之勢然必不久而多大便出也大便秘何謂卓然頭痛乎諸陽上聚於首至此陽邪雖去陰血已劫則頭痛為虛痛非陽邪上盛而痛之比觀卓然二字可見也其人正氣漸復足心必熱觀穀氣下流一語並知前日之惡風為陽虛矣此節勻五段看太陽病句是言病證反熨其背至謔語是誤治後變證十餘日三句是推原以後不治病勢所必至正見得一下可愈意在言外故其汗至反不數是推原欲解不解餘邪未散正氣未原光景及多至下流故也是料定正氣稍復欲愈病輕之狀學者細認此



篇見病勢治法躍然目前然此必強壯之人故能經此種種危候文中不言脈理意可想悟  
倘遇素虛尺遲安能保其生乎

按素問經脈別論曰診病之道觀人勇怯骨肉皮膚能知其情以為診法也

金鑑曰太陽病中風傷寒二者不躁今反躁者是不得汗出而躁大青龍湯證也不以青龍湯發汗反以火劫熨背逼汗大出火邪入胃胃熱水竭則煩躁譫語所必發也十有餘日邪正相持持久必爭爭必振慄作解然解非汗出及下利邪無從解也若自下利此為欲從裡解也若自汗出此為欲從表解也今十餘日不自下利而有欲小便不得反嘔欲失溲者是裏不解也不自汗出而下身無汗足下惡風者是表不解也裏不解者大便必鞅小便當數而反不數則知水留胃中久必潤腸其久積之大便自應多下而解也及多大便已雖小便不得諸病不解其頭卓然而痛是裏解未悉解也表未悉解者是因火逼汗出而從腰已下不得汗乃上解而下未解也故有小便不得諸在下之病今雖裏解而其人頭卓然而痛者是表之餘邪上逆也足心必熱者裏之餘熱下流也穀氣者即胃氣也言胃中熱氣隨大便而下流也此病皆由妄行火劫致變難以拘定成規當診犯何逆隨證治之可也

舒馳遠曰太陽病二日反躁必其人胃有宿燥也法宜散表藥中兼除裏燥而雙解之醫反

熨其背而大汗出則胃液被奪裡燥愈動大熱因復入胃燥煩譫語真陰有立盡之象此時

宜急以救陰也若其人本氣強健過十餘日津液自回忽得振慄則表邪傳表自下利則裡

邪傳裏而營衛得通裡燥得下此為欲解也然必當日熨背時大汗出透週身則今日邪解



自當上下俱徹設腰已下不得汗則下焦之邪必不得解下邪閉甚故欲小便不得此時大便復閉亦可知矣反嘔欲失溲者邪氣上越下閉略髮故溲即欲失也足下惡風下邪未解之徵也見大便鞭者小便當數今為閉甚欲小便且不可得何得數耶又必更俟其大便多則腸胃清而裏燥去津液必當大回經氣自得流通腰已下之汗皆得出透而病方已其後之頭痛足熱者瀆邪失散以從升降而為去路也然亦胃陽流布之休徵故曰穀氣下流故也

黃坤載曰太陽病皮毛被感表鬱為熱內尚無熱俟其表熱傳胃日久失清乃見煩躁今二日之內方入陽明不應躁而反躁其胃陽素盛可知乃不用清涼反熨其背而大汗出火炎就躁邪熱入胃胃中水竭乃生燥煩燥熱薰心必發譫語若十餘日後微陰內復忽振慄而自下利則胃熱下泄此為欲解也方其熨背取汗火熱蒸騰上雖熱而下則寒故從腰以下絕無汗意外寒鬱其內熱故膀胱閉澀欲小便而不得陽氣并泄不相於水膀胱無約故欲失溲如此則小便當數而反不數者津液枯也水枯則大便乾鞭便乾腸結胃熱不得下達故氣逆作嘔火熱上逆故足下逆冷而惡風寒及振慄而下利大便已行則穀氣宣暢四達頭痛而火從上散足熱而陽從下達胃中躁熱解散無餘緣穀氣以便通而下流故也便通而頭痛者如爐底壅塞火焰不升一通則火即上炎也

陳脩園曰太陽病二日正當陽明主氣之期以太陽之病而得陽明之氣陽極似陰故擾動

不安而反躁。醫者誤認為陰躁。而反以火熨其背。背為陽。陽得火熱。而大汗出。汗乃胃中水穀之津。火熱入胃。則胃中之水津竭。遂下傷水陰之氣。而躁。上動君火之氣。而煩。中上胃中之津。必發譫語。十餘日。又值少陰主氣之期。得少陰水陰之氣。以濟之。則陰氣復。而陽氣陰先見振慄之象。旋而大便自下利者。此為陽明得少陰之氣。陰陽和而欲解也。且夫陰陽之氣。元妙難言也。而以一身之部位論。則身半以上為陽。身半以下為陰。若陽在上。而不得下交於陰。故其汗從腰以下不得汗。欲小便不得。反嘔。陰在下。而不得上交於陽。故欲大便。足下惡風。然上下所不交者。責在胃實。以隔之前。此止是胃中竭。後此則為大便硬。硬者必以法通之。不得拘於大便鞭。小便當數。而反不數。及多。印板套語。謂津液當還胃中。而不必遽通也。通之之後。得大便已。則躁結去。火邪泄。於是陰氣旋轉而上升。其頭卓然而痛。陽氣光明而下濟。其人足下必熱。此穀氣下流故也。此章凡十一節。皆言火攻之誤。以明太陽為諸陽主氣。陽為火。不可以火攻之也。即不用火。而羌獨荊防薑附桂羌之類。皆是也。

章虛谷曰。太陽病者。統風寒而言也。二日煩躁。邪欲入裡。不從表解。反熨其背。邪火內攻。津氣外越。而大汗出。汗由胃中水氣所化。故胃中水竭而燥煩。邪火擾心。而譫語。延至十餘日。振慄者。邪正相爭。正勝邪却。而自下利者。邪隨利泄。為欲解也。故其汗云云。至終皆申說未振慄以前之證狀也。蓋火性上炎。當其大熱入胃。表裡之氣皆上逆。身半以上天氣主之。天氣不降。故從腰已下不得汗。是上部有大汗。下部無汗。而邪閉。故足下惡風。膀胱不通。而不

得小便氣不降則上逆而嘔。小便反欲遺失者因嘔而振動下焦不能收攝也。凡大便鞭者水液外走小便必數而反不數者胃中水竭故也。及水液歸府而大便出多即上文之自來利也。至此表裡之氣始通而其鬱熱上冲頭卓然如錐刺之痛其足心必熱者邪又隨胃中穀氣下注也如是而病方愈亦幸其人本元強而不死耳。

太陽病中風以火劫發汗邪風被火熱血氣流溢失其常度兩陽相薰灼其身發黃陽盛則欲衄陰虛則小便難陰陽俱虛竭身體則枯燥但頭汗出劑頸而還腹滿微喘口乾咽爛或不大便久則譫語甚者至噦手足躁擾捻衣摸牀小便利者其人可治。噦於月切撮爾紹切捻諸切摸末各切按微喘之微

字方中行本作而字柯韻伯本身體則枯燥但頭汗出劑頸而還十三字在兩陽相薰灼句下口乾之軋字作渴字張蓋仙曰此證純陽無陰何得云陰陽俱虛竭是必後人有悞

成無已曰風為陽邪因火熱之氣則邪風愈甚迫於血氣使血氣流溢失其常度風與火氣謂之兩陽兩陽相薰灼熱發於外必發身黃若熱搏於經絡為陽盛外熱迫血上行必衄熱搏於內者為陰虛內熱必小便難若熱消血氣血氣少為陰陽俱虛血氣虛少不能榮於身體為之枯燥三陽經絡至頸三陰至胸中而還但頭汗出劑頸而還者熱氣炎上搏陽而不搏於陰也內經曰諸腹脹大皆屬於熱腹滿微喘者熱氣內鬱也內經曰火氣內發上為口乾咽爛者火熱上熏也熱氣上而不下者則大便不鞭若熱氣下入胃消耗津液則大便鞭故云或不大便久則胃中燥熱必發譫語內經曰病深者其聲噦火氣大甚正氣逆亂則噦內經曰四肢者諸陽之本也陽盛則四肢實火熱大甚故手足躁擾捻衣摸牀擾亂也小便

利者為火未劇津液未竭而猶可治也

方中行曰強奪而取之之謂劫邪風被火熱承上起下之詞言太陽中風不當如此治故曰失其常度者其變以致戒之意也兩陽謂風火也黃脾土之色也脾主肌肉邪熱盛則生瘡故色顯然著見於外也陽盛陽以氣言火能助氣故盛也欲衄待衄未衄之詞陰虛陰以血言熱則耗血故虛也小便血液之類也血耗故難也然火能助氣過則反敗氣所以陰陽俱虛竭言血氣俱虧之也身體則枯躁承上文而言虧之徵也劑齊分也言汗自頭出至頸自頸齊分遠而不下靈樞經曰諸陰脈皆至頸胸中而還獨諸陽脈皆上至頭耳然則是乃陽有汗而陰不汗也腹滿邪內實也微喘熱攻於肺肺受熏蒸而氣促急也口乾陰虛而津液不足也咽爛炎蒸而成腐壞也或不大便言津液不足有時或則便鞭也譫語寐中多言妄語蓋言出於心火盛血衰心虛而神亂也噦火熾而氣逆也手足為四肢乃諸陽之本陽邪盛其氣亂神昏所以疾動而不宜也小便利者反上文陰虛小便難而言利則陰未甚虛陰未甚虛則陽猶有可以回之者所以為可治也

有以

按素問陰陽應象大論曰壯火散氣少火生氣方註火能助氣過反敗氣

喻嘉言曰風陽也火亦陽也邪風更被火熱助之則血氣沸騰所以失其常度熱勢瀰漫所以蒸身為黃然陽邪盛於陽位者尚或可從衄解可從汗解至於陽邪深入陰分勢必劫盡精津所以劑頸以下不能得汗口咽乾爛肺焦喘促身體枯燥小便難大便秘手足擾動譫



妄噦逆乃是一團邪火內熾真陰頃刻立盡之象有非葯力所能勝者必其人小便尚利陰未盡傷始行以得驅陽救陰之治也噦亦危矣仲景以小便利一端辨真陰之亡與未亡最

蓋水出高源小便利津液不枯則肺氣不逆可知也腎以膀胱為府小便利則膀胱之氣逆行腎水不枯可知也按此證陽邪挾火擾亂陰分而亡其陰與前桂枝加附子二條亡陽及真武湯証證天淵懸絕觀陽盛欲衄身體枯燥等語明是失汗所致失汗則陽必內入何反外亡耶註

家泥陰陽俱虛竭一語遂謂小便利者陰未甚虛則陽猶可回是認可治為回其陽夫失經旨不知此證急驅其陽以存陰氣之一綫尚恐不得況可回陽以更劫其陰乎且頭汗乃陽邪上壅不下通於陰所以刺頸以下不能得汗設見衄血則邪從衄解頭間且無汗矣設有

汗則邪從汗解又不衄矣後條火邪深入必圍血一證亦謂身體枯燥而不得汗者必致圍血設有汗更不圍血矣請古人書全要會意豈有得汗而加衄血圍血之理哉又豈有遍身無汗而頭汗為亡陽之理哉按春秋傳曰大弗戢將自焚也與此正互相發明

張隱菴曰太陽病中風反以火劫發汗邪風被火熱則血氣流溢而失其循行之常度矣風火之陽兩相熏灼則身色如熏黃陽熱盛於上則欲衄陰液虛於下則小便難夫陽氣盛則熏膚充身澤毛若霧露之溉陰液充則腠理發泄潤澤皮膚陰陽俱虛身體則枯燥矣孤陽

上出故但頭汗出刺頸而遂此因火攻而致陰陽之不和也腹滿微喘陰氣逆於下也口乾咽爛陽熱盛於上也或不大便久則識語邪氣留於中也甚者至噦此上中下三焦之氣不

咽爛陽熱盛於上也或不大便久則識語邪氣留於中也甚者至噦此上中下三焦之氣不

咽爛陽熱盛於上也或不大便久則識語邪氣留於中也甚者至噦此上中下三焦之氣不

和致胃不輸轉而為厄逆也。夫四肢為諸陽之本，水穀之精液灌漑於四方，陽陰虛竭則手足躁擾，捻衣摸牀。若小便利者，陰陽雖虛竭而得三焦中胃之調和，故其人可治。愚按通節皆危險之證，重在小便利者，其人可治，所謂陰陽自和者，勿治之，得小便利必自愈。程郊倩曰：太陽病中風，此營衛強邪風證也。以火劫發汗，邪風無從出，反得火勢熏蒸，沸騰，其營衛氣血流溢，不復循其經常矣。何以見之？風陽也，火亦陽也，兩陽相熏灼，而身發黃，熱勢之瀰漫可知矣。不特此也，風熱搏於經，為陽盛陽熱逼血上壅，則欲衄，風熱搏於內，為陰虛陰津被火則小便欲利而不得利，火邪兩無出路，陰固竭矣。而邪陽盛者，正陽亦虛，由是而風熱耗其血氣，身體失榮則枯燥，由是而風熱炎上，搏陽而阻於陰，則頭汗出，劑頸而還，由是而風熱內鬱，則腹滿微喘，由是而風熱上熏，則口乾咽爛，由是而風熱耗其津液，或不大便，久則胃中燥熱，必發譫語，甚者至噦。至於四肢者，諸陽之本，陽盛則四肢實，實則手足躁擾，且至捻衣摸床。以上諸證，莫非邪火逆亂真陰立亡之象，推求其原，一皆血氣流溢失其常度。至於如此邪風被火熱之害，可勝言哉！此際欲治風而火勢沸騰，欲治火而風勢壅遏，何從治之？唯利小便一法，如豬苓湯類，可以導溼滋乾，清熱潤燥，使小便得利，則兩火得泄，而太陽之邪風亦從膀胱為去路，尚可治也。倘利之而不得火無從出，危矣。

汪琥曰：諸家註皆言小便自利，夫上文既言小便難，豈有病劇而反有自利之理，必須用藥以探之。其人小便利，猶為可治之證，如其不利，治亦罔效矣。

按陳修園曰：探法猪苓湯可用或茵陳蒿湯亦妙。

柯韻伯曰太陽中風不以麻黃龍發汗而以火攻其汗則不須言風邪之患當知火邪之利害矣血得熱則流氣得熱則溢血氣不由常度而變由生也風為陽邪火為陽毒所謂兩陽也兩陽相灼故即見兩陽合明之病身體枯燥身無汗也故身發黃頭汗至頸故但身黃而頭至頸不黃也首為元陽之會不枯燥是陽未虛竭有汗出是陰未虛竭此兩陽尚重於形身而未內灼於藏府也此血氣流溢之輕者若其人陽素盛者因重灼而傷血甚重必其人陰素虛者因重灼而傷津小便必難若其人陰陽之氣俱虛竭者腹滿而喘口乾咽爛而死者有矣或胃實而譫語或手足躁擾而至於捻衣摸床者有矣皆氣血流溢失其常度故也小便利是反應小便難句凡傷寒之病以陽為主故最畏亡陽而火逆之病則以陰為主故最怕陰竭小便利者為可治是陰不虛津液未亡太陽膀胱之氣化猶在也陽盛陰虛是火逆一證之綱領陽盛則傷血陰虛則亡津又是傷寒一書之大綱領

金鑑曰太陽病中風不以桂枝湯汗之而以火劫發汗故致生諸逆也風屬陽邪被火益熱故血氣流溢失其常度也以風火俱陽故曰兩陽重灼熱蒸血瘀達于肌表故其身發黃也血為熱迫故上逆欲衄陰虛液竭故小便難陰陽虛竭故身體枯燥陽熱重灼陰液上越故頭汗出劑頸而還也熱傳太陰故腹滿口燥熱傳少陰故口乾咽爛熱壅於胸故肺熱微喘熱結於胃故不大便愈久則熱益深故噦逆讖語神明昏亂手足躁擾捻衣摸床之證見矣凡此諸壞證推求其源皆由邪火逆亂真陰立亡多不可治然或小便利者則陰氣尚在故